

kabidi; tshiena bianyi muimpe kabidi bua kumbikilabo ne, Muanebe. Kadi tatu wandi wakambila bantu bandi ne, Nulue lubilu ne tshilulu tshidi tshitambe buimpe, numuluatshishetshi; numuele kakanu ku munu ne bisabata ku makasa. Nulue ne muana wa ngombe udi ne manyi, numushipe, tudie bietu, tusanke bietu, bualu bua muana wanyi ewu wakadi mufue, udi ne muoyo kabidi; wakadi mujimine, wakamueneka. Bakabanga kusanka.” (Luka 15:11-24)

Lusumuinu lua muana mujimine ludi lutumanyisha bualu bua dinanga dia Nzambi

“Pakadiye kuakua tatu wandi wakamumona, luse luakamukuata, wakanyema lubilu, wakamuela tshitupa ku nshingu, wakamutua-tua mishiku.” (Luka 15:20)

“Nzambi wakatamba kusua ba pa buloba, yeye wakabapa Muanandi umuepele mulela bua muntu yonso wamuitabuja kafu biandi, kadi ikale ne muoyo wa tshiendelele.” (Yone 3:16). Nzambi “kena musue umue wenu ajimine, kadi udi musue bonso balue kukudimuna mitshima yabo.” (2 Petelo 3:9)

Mukanda wa Nzambi udi wamba ne, “Buonso buetu tuakulua bu muntu mubipa, ne bienzedi bietu biakane bionso biakulua bu tshivualu tshidi tshinyanguke.” (Yeshaya 64:6)

Kadi muena Kilisto udi mua kuamba ne mutangadiki wa kale kale Yeshaya ne, “Nentambe kusanka mu Yehowa, mutshima wanyi neutambe kusanka mu Nzambi wanyi; bualu bua yeye waku-nduatshisha bivualu bia lupandu, wakumbuikila ne tshikowelu tshia buakane.” (Yeshaya 61:10)

Mukelenge Yesu wakuluila bua Kukeba ne Kusungila tshidi Tshijimine



Lusumuinu lua mukoko mujimine

Mukelenge wakelela bantu babi bakuabo lusumuinu elu ne, “Muntu kayi wa munkatshi muenu, bikaleye ne lukama lua mikoko, pajimisheye mukuabo, kena ushiya minga makumi tshitema ne tshitema mu tshipela wenda ukeba udi mujimine too ne paumoneye? Paumoneye, neawambule pa diapa ne mutshima usanka. Papinganeye kuende, neabikile balunda bandi ne bena mutumba nandi neabambile ne, Nusanke nanyi, bua nakumona mukoko wanyi wakadi munjimine. Ndi nuambila ne, Nunku kabidi disanka dia mu diulu bua muntu umue mubi waku-kudimuna mutshima wandi neditambe disanka bua bantu bakane makumi tshitema ne tshitema badi kabayi ne bua kukudimuna mitshima yabo.” (Luka 15:4-7)

Mukelenge Yesu udi Mulami Muimpe

“Buonso buetu tuakupambuka bu mikoko, tuakukudimuka bua kuya muntu wandi njila muntu wandi njila.” Yesu wakamba ne, “Ndi mulami muimpe wa mikoko; mulami muimpe udi ufuila mikoko. Ndi mulami muimpe wa mikoko; ndi mumanye yanyi, yanyi idi minmanyeyi.” (Yeshaya 53:6. Yone 10:14)

Lusumuinu lua mpalata mujimine

“Mukaji kayi, bikaleye ne mpalata dikumi, pajimisheye umue, kena utemesha muinda, akombe mu nzubu, akebe bimpe too ne pamumoneye? Pamumoneye, neabikile balunda bandi ne bena mutumba nende, neabambile ne, Nusanke nanyi, bua nakumona mpalata wakadi mujimine. Ndi nuambila ne, Nunku kabidi disanka didi ku mesu kua banjelo ba Nzambi bualu bua muntu umue mubi wakukudimuna mutshima wende.” (Luka 15:8-10)

Mukaji wakadi usanka be, mpalata umue wakadi wa mushinga mukole kudiye. Muntu yonso udi wa mushinga ku mesu kua Nzambi. Tudi mudimu wa bianza biandi, bafukibua bua bualu buandi.

Nyuma Muimpe udi wenzeja mu mitshima ya bantu kudi munya wa Diyi dia Nzambi bua kubafikisha ku dimanya dia bualu bulelela ne dimanya ne, Tudi ne Musungidi bualu.

Mukelenge Yesu wakamba ne, “Disanka didi ku mesu kua banjelo ba Nzambi bualu bua muntu umue mubi wakukudimuna mutshima wende.” Bidi bimueneka ne, Bonso ba mu Diulu badi basanka bualu bua muntu umue udi ukudimuna mutshima wandi.

Lusumuinu lua muana mujimine

“Yesu wakamba ne, Muntu wakadiku, wakadi ne bana balume babidi. Muana muakunyi wakambila tatu wandi ne, Tatu, umpe luanyi luseke lua biuma lualua kundi. Yeye wakabatapulula bintu biandi bionso. Pakapita matuku makeke, muana muakunyi wakasangisha bintu biandi bionso, wakaya mu luendu kule ku luseke lukuabo; wakatangadishaku bintu biandi bionso ku malu mabi akenzenzeye. Pakamaneye bintu bionso, tshiole tshinene tshiakalua ku luseke alu; wakabanga kukengela bintu. Wakaya, wakadilamika kudi muntu wa ku luseke alu; muntu awu wakamutuma mu madimi andi bua kudisheye ngulube. Yeye wakasua kuuja difu diandi tente ne bipusu biakadi ngulube idia. Kakuakadi muntu wakamupa tshintu. Pakakatamukeye, wakadikonka munda ne, Bena mudimu ba tatu wanyi badi bungi munyi badi ne bia kudia bia bungi ne bintu bikuabo bisambuke pamutu kabidi, kadi meme ndi nfua ne nzala kunoko? Nembike, nenyeyi kudi tatu wanyi, nemuambile ne, Tatu, nakuenzela diulu bibi, nakuenza bibi ku mesu kuele kabidi. Tshiena bianyi muimpe kabidi bua kumbikilabo ne, Muanebe, umbueje mu mudimu bu bena mudimu bebe bakuabo. Yeye wakabika, wakalua kudi tatu wandi. Pakadiye kuakua tatu wandi wakamumona, luse luakamukuata, wakanyema lubilu, wakamuela tshitupa ku nshingu, wakamutuatua mishiku. Muana wakamuambila ne, Tatu, nukuenzela diulu bibi, nakuenza bibi ku mesu kuele